

UTM.01.01/21.10/1/1(58)

16 Februari 2016
7 Jamadilawal 1437H

Mengadap Duli Yang Maha Mulia
Raja Zarith Sofiah binti Almarhum Sultan Idris Shah
Permaisuri Johor
Yang Ada Bersemayam di Istana Bukit Serene
Johor Bahru
Negeri Johor Darul Ta'zim

Dengan sepenuh kesejahteraan dan kemuliaannya.

Assalamualaikum wmt. wbr.,

Ampun Tuanku,

JEMPUTAN KE PROGRAM *BRITISH HIGH COMMISSION -GREAT DEBATE SERIES* EVENT

Adalah patik bagi pihak Universiti Teknologi Malaysia dengan segala hormat dan takzimnya memohon ampun merafak sembah menjunjung kasih ingin menyembah maklum mengenai Program *GREAT Debate Series* yang akan berlangsung di UTM Johor Bahru.

Disembahmaklumkan juga bahawa Program *GREAT Debate Series* ini dianjurkan secara bersama antara *British High Commision* dan Universiti Teknologi Malaysia. Program yang akan memfokuskan kepada topik "*Does an English medium education increase competitiveness or dilute identity?*" turut akan mengetengahkan para pendebat daripada kalangan ahli akademik serta pelajar institusi pendidikan tinggi tempatan.

Sehubungan dengan itu, patik memohon perkenan Duli Yang Maha Mulia Tuanku untuk hadir mencemar duli bagi turut sama memeriahkan lagi program ilmu ini. Untuk makluman Duli Yang Maha Mulia Tuanku, program tersebut akan berlangsung seperti berikut:

Tarikh	:	25 Februari 2016, Khamis
Masa	:	2.30 petang
Tempat	:	Dewan Senat, Bangunan Canseleri Sultan Ibrahim, UTM Johor Bahru.

Ampun Tuanku,

Demikianlah persembahan patik dan patik berdoa ke hadrat Allah Subhanahu Wata'ala mudah-mudahan dilanjutkan usia Duli Yang Maha Mulia Baginda Sultan Ibrahim dan Yang Maha Mulia Tunku, Paduka-Paduka Putera, Paduka Puteri serta Kerabat DiRaja sekalian, sentiasa berada di dalam kandungan sihat walafiat, aman makmur serta bertambah-tambah lagi darjat dan kemuliaan. Patik juga berdoa mudah-mudahan Baginda Tuanku kekal memerintah di atas takhta Kerajaan Negeri Johor Darul Ta'zim. Amin, Amin Ya Rabbul 'Alamiin.

Ampun Tuanku,
Sembah patik mohon diampun.

Adalah patik dengan sepenuh ta'zim,

Yang taat setia,

PROF. DATUK IR. DR. WAHID BIN OMAR
Naib Canselor

PROGRAM GREAT DEBATE SERIES

25 Februari 2016 (Khamis)

Dewan Senat, Bangunan Canseleri Sultan Ibrahim, UTM Johor Bahru

Atur cara:

- 2.00 petang : Ketibaan Tetamu dan Ketibaan Dif-dif Kehormat
- 2.15 petang : Ketibaan Naib Canselor UTM
- 2.30 petang : Keberangkatan Tiba Duli Yang Maha Mulia Raja Zarith Sofiah
Binti Almarhum Sultan Idris Shah, Permaisuri Johor
 - : Lagu Negaraku
 - : Bacaan Doa Keberangkatan
 - : Ucapan Aluan oleh wakil *British High Commission*
 - : Sesi Debat
 - : Majlis Santapan
 - : Bacaan Doa Keberangkatan
 - : Keberangkatan Pulang Duli Yang Maha Mulia Raja Zarith Sofiah
Binti Almarhum Sultan Idris Shah
 - : Dif-dif kehormat meninggalkan majlis
- 5.30 petang : Bersurai